

省購

# 復蘇曼谷旅業

# \$1100包住包Spa 筍

【引言】泰國早排水災，不過爽妹知當地水質有受污染，所以飛咗去曼谷玩，發現好多Spa都做緊災後大減價吸引遊客。爽妹同個姊妹幫襯咗間酒店同Spa合作嘅3日2夜住宿加Spa優惠套餐，每人只係約\$1,100，非常之筍。今次仲要多謝泰國旅遊大使胡慧冲導遊，提供咗好多優惠資料。



## 二人同行熱石按摩 \$2,200

Let's Relax Spa 最近同五星級酒店 Grande Centre Point Terminal 21 合作，推出住宿連Spa優惠套餐，即日起至明年2月29日，二人同行入住豪華雙人房間3日2夜，只需約2,200港元，

仲包埋每人90分鐘嘅Spa服務，有香薰油按摩或草藥泰式按摩等。成個套餐價錢比以往平咗成千蚊，爽妹親身試過熱石按摩，做完大叫好爽。  
查詢：[www.letsrelaxspa.com](http://www.letsrelaxspa.com)

## Let's Relax



## 草藥熱敷套餐特價 \$800

### RarinJinda Wellness Spa Resort

RarinJinda Wellness spa Resort由即日起至明年3月31日，提供嘅Spa套餐有8折，Vitality of Life套餐有草藥熱敷、番石榴磨腳、香薰油按摩、身體磨砂同面部護理等，做足三個鐘，原價約995港元，8折後大約800港元。  
查詢：[www.rarinjinda.com](http://www.rarinjinda.com)

